

摘藻堂四庫全書薈要

集部

欽定四庫全書薈要

集部

御定歷代題畫詩類卷三十三

四

欽定四庫全書薈要

御定歷代題畫詩類卷三十三目錄

故實類

方方壺倉頡作字圖 元鮮于樞

堯民圖 元劉因

堯民圖 元王惲

堯民圖 元袁桷

題劉紫微堯民野醉圖 元元好問

堯民醉歸圖 元吳師道

擊壤圖 明楊慎

巢父飲牛圖 元王惲六首

許由擲瓢圖 元元好問

許由棄瓢圖 元劉因二首

許由棄瓢圖 明程敏政

巢由圖 元華幼武

題巢由圖 明張鳳翼

有虞鼓琴 元王惲

大禹泣辜圖 元王惲

題伊尹耕莘圖 元貢師泰

題傅巖圖 明邱濬

題磻溪垂釣圖 唐羅隱

題太公釣渭圖 明劉基

太公釣魚圖 明陳昌

渭水非熊圖 明程敏政

題牧野圖 明張鳳翼

題夷齊采薇圖 元錢惟善

采薇圖 元盧摯

豳風圖 元劉因二首

題豳風七月圖 明錢龍錫

邠風圖 明董其昌

旅獒圖 元王惲

題分金圖 明丘濬

甯戚叩角圖 元王惲

挂劍圖 明顧璘

聞韶圖 金楊雲翼

燕居圖 元劉因

題龍眠孔訪萇弘 元程鉅夫

夫子去魯圖 元陸仁

夫子聽琴師襄圖 明陳顥

夫子學師襄琴圖 明姚綸

泣麟圖

明陳顥

孔子泣麟圖

明邱濬

曾點扇頭
元劉因二首

子路問津圖
元王惲

子貢見原憲圖
元鄭元祐

子貢見原憲圖
明呂憲

子貢見原憲圖
明班惟志

漢陰抱瓮圖
金段成己

子期聽琴圖 元劉因

題招文攜琴圖 元歐陽玄

題交甫解珮圖 明楊慎

楚漁父渡伍胥辭劍圖歌 元傅若金

伍子胥渡江圖 明張寧

應制題王拙畫吳王納涼圖 元虞集

題吳王納涼圖 元陳旅

吳王納涼圖 元甘立

吳王夜宴圖 元真桂芳

題吳王納涼圖 明袁凱

跋范蠡歸湖圖 元王惲

題范蠡歸湖圖 元趙孟頫

范蠡歸湖圖 明程敏政

題范蠡泛舟圖 明張鳳翼二首

豫讓邀襄子圖 元王惲二首

田稷還金圖 明王珉

田稷還金圖 明謝實

田稷還金圖 明趙季行

田稷還金圖 明趙能

田稷還金圖 明李雍

田稷還金圖 明曹杰

跋墻間圖 元王惲

曳龜圖 元王惲

孫陽相馬圖 元王惲

題毛遂執劍圖

元周砥

題趙王夜宴圖

明袁凱

屈原卜居圖

元王惲二首

屈原漁父圖

明陳昌

伯時畫九歌

金趙秉文

九歌圖

元程鉅夫

書李伯時九歌圖後

元吳澄

題離騷九歌圖

元柳貫

來任卿去官歸蕭山愛元人九歌圖為作

明湯顯祖

欽定四庫全書

欽定四庫全書
卷三十三
目錄

欽定四庫全書薈要卷一萬九千一百四十一集部

御定歷代題畫詩類卷三十三

故實類

方方壺倉頡作字圖

元 鮮于樞

石間點筆撚吟鬚雄覽江山為發舒脫口欲令神鬼泣
臨池清逼右軍書

堯民圖

元 劉 因

皋夔遺像凜猶存更比凌煙意氣真但使尊前有如此

不慚只作許由鄰

堯民圖

元王惲

日出漁田日夕歌蠶衣耕食樂天和細思歷象星辰外
帝力於人更有何

堯民圖

泰定甲子題

元袁桷

衢尊深酌舞蹁躑鼓腹行歌樂自然共道帝堯新紹運
九州重見上元年

題劉紫微堯民野醉圖

元元好問

蒼苔濁酒同歌呼白鬢紅頰醉相扶堯時皇質未全散
不論朝野皆歡娛望雲雲非雲就日日非日先秦迂儒
強解事極口譽堯初未識堯民與酒同一天此外更誰
為帝力仙老曾經甲子年戲將陳迹畫中傳山川淳樸
忽當眼迴望康衢一慨然不見只今汾水上田翁鞭背
出租錢

堯民醉歸圖

元 吳師道

騎行巾服俱非古儀狄以前誰飲醇寫出太平真樂意

陶然如此即堯民

擊壤圖

明楊慎

陶唐天子調八風鳳儀獸舞明廷中誰知鼓腹行歌者
復有山中擊壤翁短袖單衣露兩肘野狀邛容不自醜
掀髯笑傲肩相隨共道帝力我何有柳谷饑日暘谷賔
老翁那記晨與昏一作一息有出入時耕時鑿無冬春
冀莢開殘又朱草生來未識平陽道海隅赤日燒九州
寰中息壤汨洪流已見天戈揮丹浦更聞風伯殪青丘

老翁其間百不憂直從紅顏到白頭君不見許由逃堯
勞步履巢父洗耳污清泚華封老人費言辭康衢小兒
強解事姑射丰姿雖可珍神仙彷彿信難真君看擊壤
千年後多少行歌帶索人

巢父飲牛圖 六首

元王惲

巢由真隱本同儔細論吾巢節更優老特渴來何所擇
徑須牽避是非流

濁泥常恐污吾牛特地駟來飲碧流縱使許由辭位去

汗顏終是對宸旒

耕田鑿井不知勞
長恐逃名未得逃
最喜帝堯平治事
一犁春雨滿江皋

徵庸禪讓兩無心
驅飲時過碧澗潄
若見後人牛喘事
入山唯恐不幽深

舜受堯傳兩不聞
最憐牛力晚來新
一鞭了却東皋事
潁水箕山分外春

苦訝箕山易所操
雖辭堯讓匪吾曹
桐江江上垂綸客

一樣清風萬古高

許由擲瓢圖

元元好問

不知黃屋不知堯
喧寂何心計一瓢
我是許由初不爾
只將盛酒杖頭挑

許由棄瓢圖 二首

元劉因

堯天萬古大無鄰
何地容君作外臣
莫占箕山最深處
後來恐有避秦人

人間洪水正橫波
堂上南風入浩歌
兩耳區區無著處

一瓢孰與萬幾多

許由棄瓢圖

明程敏政

心寂何妨響萬瓢
棄心生處勝狂濤
耳塵暫滅心塵起
却恐先生見未高

巢由圖

元華幼武

聞讓洗其耳擇流飲其犢
如何跖之徒貪心恒不足

題巢由圖

明張鳳翼

休論洗耳誰氏莫問棄瓢
何年巢許自甘遯世唐虞豈

有遺賢

有虞鼓琴

趙霖
筆

元王惲

逮匹誰如帝子宗和鳴還與五絃同異時愠解吾民阜
本自君王正始功

大禹泣辜圖

元王惲

真淳氣散不復古科條漸似秋荼深道逢胥靡連而泣
灼見當時罪已心

題伊尹耕莘圖

元貢師泰

碧海晝沸白日淪禹鼎欲徙湯網仁長繩短垂行斃躡
驅牛獨耕莘野雪有時仰面一長吁青天漫漫風烈烈
身居畎畝堯舜心忍看民生墮昏沉乾坤闔闢係出處
幡然起作商家霖先農有詩亦有譜後世南陽詠梁父
惟見丹青畫美人

題傅巖圖

明 邱濬

題礮溪垂釣圖

唐 羅隱

呂望當年展廟謨直鈞釣國更誰如若教生在西湖上
也是須供使宅魚

題太公釣渭圖

明 劉基

璇室羣酣夜璜溪獨釣時浮雲看富貴流水澹鬢蒼
應非熊兆尊為帝者師軒裳如固有千載起人思

太公釣魚圖

明 陳昌

炮烙煙生醢鄂侯人心天命已歸周如何未入非熊兆
尚向磻溪下直鈞

渭水非熊圖

明程敏政

落日秋風渭水渚
天教西伯共心期
憑誰敢道鷹揚勇
鶴髮漁翁有此奇

題牧野圖

明張鳳翼

風塵高牧野殺氣暗
全軍百六當龍戰
三千出虎賁
旗揮落日鼓角動
寒雲知有磻溪老
鷹揚翊聖君

題夷齊采薇圖

元錢惟善

海濱二老共歸周
扣馬鷹揚似不侔
寂寞西山采薇後

清風未許屬巢由

采薇圖

元 盧 摯

服藥求長年孰與孤竹子一食西山薇萬古猶不死

幽風圖

二首

元 劉 因

畫裏春風在眼前詩中雅意若為傳憑誰更譜絃歌了
細味周家八百年

惟願將身入畫中野人何敢夢周公一區共買橫渠上
儘有新詩續正風

題豳風七月圖

明 錢龍錫

國本民生繫深思草昧存淳風懷瑾戶美俗寫朋尊卜
洛從何始承邵信有源艱難開聖主告誡切文孫拭目
丹青麗賡歌雅什溫思隨工瞽誦欣望闢虞門

邠風圖

明 董其昌

玉書金簡不足異布帛菽粟真文字宛委驚開先代藏
詩中盡繪農桑事憶昔章皇全盛時堯水湯乾德不知
千倉萬箱陳陳積祁寒暑雨誰其咨田畷女紅歌帝力

帝軫民艱情不極因披承旨圖邠風親灑宸章賦閔農
田家作苦非一狀深耕薄獲何犂犂風雨生綃幅
餘音散入春桑曲但識宮中錦繡香爭知陌上蠶繅促
種苗鹵莽應無功提筐飼蠶勞亦同天文似雨倉頡粟
機杼還凌雲漢工曾聞姬滿歌黃竹明河霓羽紛相逐
詎舉三推占籍田肯憐四月新絲熟大哉竹簡羽陵書
可信農桑足開國曲阜遺履烏號弓精光噴薄摩玄穹
願將裝御連屏疊率祖彌增聖道隆

旅葵圖

元王惲

龐然織毳褐毛鮮閃閃蒼精照帝軒誰為此監楊得意
一言曾達漢文園

何人刺繡旅葵圖慘澹風煙較獵餘不寶珍奇安遠邇
至今人味召公書

題分金圖

明邱濬

多取不為貪多與匪云讓丈夫相知心豈在黃金上

甯戚叩角圖

元王惲

舜受堯傳老不逢商歌愁絕國門東小哉恨煞夷吾器
竟列齊桓五霸中

挂劍圖

明顧璘

延陵公子有道者義氣千秋動華夏去時寶劍心許君
死後仍來懸墓下白日青天一片心豈因生死惜千金
寄言反覆輕薄子三步腹痛休哀吟

聞韶圖

金楊雲翼

千古神交寄至音聞韶想見聖人心容聲便落筌蹄外

後學休從肉味尋

燕居圖

元劉因

伊川門外雪盈尺
茂叔牕前草不除
要識唐虞垂拱意
春風原在仲尼居

題龍眠孔訪萇弘

元程鉅夫

聖人何常師
小技亦有道
至今圖畫中
若聽文王操

夫子去魯圖

元陸仁

遲遲兮去魯居
是邦兮爰念父與母
臨沂泗兮未濟望

龜山兮有滄其雨津則有舟兮車則在道先王軌轍兮
孰履其武道之不行兮命矣夫周旋天下

夫子聽琴師襄圖

明陳顥

蒼姬尚文治叔世生宣尼立教以垂憲天縱聖哲姿師
襄何許人冠裳肅威儀援琴得高趣揮手調朱絲悠悠
太古音不藉言與辭松陰白日永蕭瑟生涼颼一彈萬
慮息再彈心曠怡樂與二三子聽之忘神疲世遠不可
作此音知者稀撫圖三歎息長吟寄遐思

夫子學師襄琴圖

明姚綸

周衰樂廢缺正聲幾湮沈荀無獨識者世遠將焉尋所以孔夫子俛學師襄琴初彈猗蘭操再鼓文王音至和格鳥獸踏舞娛人心此圖寫遺意高山流水深披玩發長嘅視古猶視今

泣麟圖

明陳顥

詩亡春秋作姬政日就隳麟也本仁獸出焉非所宜夫子因感傷臨風涕交頤畫史載遺蹟千古興嗟咨方今

聖人出端拱致無為豈獨麟瑞世鳳凰亦來儀往事勿
復論作詩頌明時

孔子泣麟圖

明邱濬

麟之來也胡為哉宣尼一見掩袂哀因茲託始一王法
千年大義從此開吁嗟爾麟盍來生此文明世親際聖
人在天位若使宣尼重見之歡欣贊誦將何如

曾點扇頭二首

元劉因

晉楚英雄管晏才當時真眼尚誰開狂生攜著魯兒子

獨向舞雩風下來

獨向舞雩風下來坐忘門外欲生苔歸時過著顏家巷
說與城南華正開

子路問津圖

元王暉

轍環天下老於行二子相忘不輟耕休謂聖賢分二致
本來出處不同情

子貢見原憲圖

元鄭元祐

窮通由命不由人結駟來窺甕牖春富貴不淫貧賤樂

山青雲白水粼粼

子貢見原憲圖

明 呂 憲

賜誠不在原思下晚歲曾聞性命微未必駟車辭見後
始知貧富諂驕非

子貢見原憲圖

明 班 惟志

貨殖雖師名退思容有辨如何司馬遷於憲却無傳

漢陰抱瓮圖

金 段成已

鑿井為畦並漢皋區區抱瓮不辭勞古人伎倆今人笑

金方口月
卷三十三
舉世師師尚桔槔

子期聽琴圖

元劉因

琴瑟自吾事何求人賞音絕絃真俗論不是古人心

題昭文攜琴圖

元歐陽玄

孺子攜琴未去殘兩翁山水偶相遭知音已置虧成外
到底昭文不鼓高

題交甫解珮圖

明楊慎

交甫之楚遊息影依喬木道逢兩仙姝
遙漢皋曲星

宿綴明璫雲霞裝魅服婉孌蕩熒魂花豔驚凡目目隨
韞塵揚魂與芳風逐結夢擬陽臺交辭同阿谷榮華橘
是袖貞芳笋成竹江永不可方微波春自綠

楚漁父渡伍胥辭劍圖歌

元傳若金

江有阻兮路有歧時將迫兮來何遲子弗渡兮我心悲
既渡子兮我何以劍為吁嗟行兮子毋我疑

伍子胥渡江圖

明張寧

壯氣橫空欲吞楚半夜函關出虓虎城中追騎若行雲

泉下孤臣淚如雨江頭立馬寒颼颼江神吐泣皇天愁
捐軀甘作異鄉鬼誓死肯忘同天讐何來父老傷羈阻
艤櫂招搖夜相渡百金寶劔辭不收萬石功名草頭露
雄兵一旦下吳臺楚國山河半草萊舊主已隨烽火遯
將軍猶入故宮來秦庭泣血昭王返白苧歌長越兵遠
夫差夜飲欲烹龍句踐宵衣正嘗膽零落鷗夷百戰身
姑蘇麋鹿謾傷神君看楚郢鞭尸客應是吳門抉目人

應制題王拙畫吳王納涼圖

元虞集

雨過太湖上風生響屨廊紅綃拂几席白苧製衣裳朱
光淪厚地明月在高堂何以保玉體長年樂未央

題吳王納涼圖

元陳旅

吳王臺榭滿汀洲湖上風來暑雨收坐擁紅妝可娛老
市無赤米不教愁采蓮舟載煙岑晚響屨廊通水殿幽
歲暮甬東寧有此夜涼歌舞莫令休

吳王納涼圖

元甘立

六月長洲水殿涼酒酣揮袖倚新妝芙蓉露冷秋雲薄

回首西風響屨廊

吳王夜宴圖

元真桂芳

銀漏迢迢夜未晨
管絃聲裏綺羅春
飲闌方擁名娃睡
豈料稽山正卧薪

題吳王納涼圖

明袁凱

微月斜侵響屨廊
芙蓉清氣滿金塘
鴛鴦只傍闌干宿
也愛君王水殿涼

跋范蠡歸湖圖

元王惲

霸越高勳土苴如五湖歸隱號陶朱扁舟共載西施去
却恐時人是厚誣

題范蠡歸湖圖

元趙孟頫

功名自古是危機誰似先生早拂衣好向五湖尋一舸
霜黃木葉鴈初飛

范蠡歸湖圖

明程敏政

萬頃湖光足釣絲濟川功了乞歸時安流不用旌篙楫
斂手舷頭任所之

題范蠡泛舟圖

二首

明 張鳳翼

報吳小試計然謀不覺功成已白頭只與西施同載去
煙波隨地著扁舟

丰茸岸柳雜汀花煙水平湖處處家豈獨謀臣能拂袖
美人亦自厭繁華

豫讓邀襄子圖

二首

元 王惲

智氏頭顱到溺旋趙襄謹避隋空然若圖伯也非常報
合有嘉謀在死前

一言感激命為輕
九死酬恩不為名
千古晉陽橋下水
不應嗚咽恨無成

田稷還金圖

明王珉

百鎰私金豈妄傳
展圖三歎憶當年
齊王若正田郎罪
千古誰知阿母賢

田稷還金圖

明謝實

稷子為卿受吏金
母心不納示恩深
旌嘉又賴君王賜
一段高情傳至今

田稷還金圖

明趙季行

秉鈞當國相齊宣何事貪私不赧然遺母只知金可奉
出金深賴母惟賢方慚請罪榮公賜豈料垂名玷史編
此日展圖重感歎君親恩義兩能全

田稷還金圖

明趙能

世人誰不重黃金難得慈親識慮深子孝母賢君有德
披圖三歎激人心

田稷還金圖

明李雍

齊宣千乘尊謨謀貴權利稷子位相國受金毒下吏嗟
哉田母賢質責能尚義子有遷善名君有懲勸志良心
易感發美政曷難致君臣務苟得甘受羸秦制社稷今
已墟母名恒不替

田稷還金圖

明
曹杰

公私萬古可消沉位重黃金尚逆侵楊震四知終克已
田卿百鎰是欺心固因慈母賢如許原本闕致宣王義亦
深只恐史臣編不盡形圖畫軸迄如今

跋墻間圖

元王暉

乞食歸來意有餘
豈知內子涕沾襦
相逢半是墻間客
底用經營畫作圖

曳龜圖

元王暉

寓說瀾翻已自欺
更堪身世兩相遺
抱麟痛為東周泣
爭遣宣尼不及時

孫陽相馬圖

龍眠筆

元王暉

昭王墓老秋蕪
合虞坂人歸暮
靄蒼屈產何嘗
無駿足

世間能有幾孫陽

題毛遂執劍圖

元周砥

六國爭雄勢若何紛紛劍客口懸河
合從不作尊王計遂也何煩用力多

題趙王夜宴圖

明袁凱

玉戶金缸夜未央邯鄲宮裏奏絲簧
鄭姬已醉韓姬倦誰拂君王白象牀

屈原卜居圖 二首

元王暉

用舍行藏聖有餘却從詹尹卜攸居乾坤許大無容處
正在先生見道踈

山林長往渺難攀死不忘君世所難邂逅去從詹尹卜
八方歷遍果何安

屈原漁父圖

明陳昌

一從恩譴出鑿坡辭却襄王到汨羅漁父不知憂國恨
相逢但和濯纓歌

伯時畫九歌

金趙秉文

楚鄉桂子落紛紛江頭日暮天無雲煙濃草遠望不盡
翩翩吹下雲中君九歌九曲送迎神還將歌曲事靈均
一聲吹入汨羅去千古秋風愁殺人

九歌圖

元程鉅夫

瀟湘南下洞庭深無力能援楚國沉縱使九歌堪入畫
何人寫得放人心

書李伯時九歌圖後

元吳澄

李家畫手入神品楚賢風流清凜凜誰遣巫陽叫帝閭

為招江上歸來瞰音紛紛音紛紛柱高辰遠聰不聞扶
桑初瞰海橫雲司命播物泥在鈞洪纖厚薄無齊勻公
無渡公無渡衝雲起螭龜怒夜猿啾啾天欲雨天欲雨
送歸路歲晏山中採蘭杜靈修顧顧復去莫怨瑤臺神
女妒坎坎鼓進芳醕恥作蠻巫小腰舞千年往事今如
新摩挲舊畫空愴神騰身輕舉一回首楚天萬里江湖
春

題離騷九歌圖

元柳貫

紫貝東皇席青霓北斗旗
究觀神保意遑恤放臣悲
有客傳巴舞何人執籥吹
楚巫千載恨憑向畫中窺
來任卿去官歸蕭山愛元人九歌圖為作

明
湯顯祖

去意蕭然此大夫剡中溪谷世言殊
傷心漁父臨湘譜
一似英皇泣舜圖

御定歷代題畫詩類卷三十三

欽定四庫全書薈要

御定歷代題畫詩類卷三十四目錄

故實類

鞭石圖 元王惲

題邵平種瓜圖 宋李綱

題高皇過沛圖 宋方岳

高陽長揖圖 宋劉子翬

沛公洗足見酈生圖 元王惲五首

北橋進履圖

明謝承舉

題蕭何夜追韓信便面

明林廷錦

四皓圖

金李獻能

四皓圖

元元好問

四皓圖

元王惲七首

畫四皓

元趙孟頫

題四皓圖

元吳澄

題四皓圖

元馬祖常二首

題商山四皓 元陳思濟

題四皓圖 元盧亘

題屏風畫商山四老人 元楊載

四皓圍棋圖 元黃潛

題四皓圖 元戴良

商山四皓圖 元李孝光

題四皓商山圖 元張翥

題商山圖 元黃玠

題馬遠畫商山四皓圖 元錢惟善

四皓圖 明陶安

四皓弈圖 明陶安

四皓圖 明高啓

四皓奕棋圖 明朱純

四皓圍棋圖 明蘇平

四皓弈棋圖 明劉師邵

題四老圍棋圖 明王守仁

四皓弈棋圖 明張志宗

題四皓圖 明張鳳翼

夢客攜商山四皓圖令余賦之 明王世貞

題四皓圖 明陳繼儒

張釋之諫文帝圖 宋劉子翬

伏生授書圖 元王恽

題伏生授書圖 元戴表元

伏生授經圖 元吳師道

伏生授經圖

元鄭元祐

題伏生授書圖

元吳澄

奉題伏生授書圖

元楊維禎

伏生傳經圖

明魯鐸

朱翁子負薪卷

元張翥

題買臣負薪圖

明陳達

買臣負薪圖

明劉泰

買臣秋樵圖

明程敏政

相如滌器圖 明唐寅

帶經圖 明廖道南

題帶經漂麥二圖 明高啓

高鳳漂麥圖 元王惲

張騫乘槎圖 元戴表元

題鄭昭甫張騫乘槎圖 明林鴻

乘槎圖 明朱諫

題乘槎圖 明僧妙聲

欽定四庫全書

卷三十四目錄

欽定四庫全書薈要卷一萬九千一百四十二集部

御定歷代題畫詩類卷三十四

故實類

鞭石圖

元王惲

洋海求仙已渺茫
又鞭羣石駕飛梁
帝功不出仁和聖
罔念元來便作狂

題邵平種瓜圖

宋李綱

君不見伯成子高辭侯爵
在野終年自耕獲下風趨問

禮徒勤佷佷田間事蕪落又不見於陵仲子推相位為
人灌園刈葵藿抱甕區區同漢陰不糝藜羹有餘樂古
來賢達有如此志趣未可常情度力辭富貴居貧賤凜
若霜風墮輕籜邵平本自侯東陵秦破國除休一壑當
時漢祖疑鄴侯置衛增封意非薄衆賓皆賀平獨弔一
言轉禍推先覺以茲智略佐風雲復取故封何所作歸
來種瓜青門外灌溉鉏耘甘寂寞長安之東壤尤美翠
蔓離離照城郭秋陽正熾瓜正肥解衣摘實如俛鶴兒

童玉立形骨清挈笠攜筐助操作遂令世美東陵瓜身
後高名動寥廓屠販曾聞封絳灌奴僕後來興衛霍高
鳥已盡良弓藏更有韓彭辱囚縛何如終老守瓜畦自
飽飽他真不惡龍眠也是可憐人畫此端令事如昨世
間如畫畫如夢聊為作歌資一噓

題高皇過沛圖

宋方岳

芒碭真人赤龍子一劍入關秦鹿死黥王蒞醢過故鄉
仍冠竹皮相爾汝故人父老喜欲狂至尊含笑袍花光

酒酣擊筑自起舞歌聲悲壯雲飛揚此意今人棄如土
宜但當時沐猴楚君不見相如草檄西入秦蜀山憔悴
生煙塵

高陽長揖圖

宋 劉子翬

象牀二女執巾裾長揖高陽舊酒徒不是蒼皇能輟洗
溺冠何異昔坑儒

沛公洗足見酈生圖

五首

元 王 恽

氣折狂豪一洗間要令游士吐嘉言初從沛長咸陽帝

此術施來第幾番

嘖然洗腆孰為賓中隱
炎劉四百春一說便能延上客
君王肯效婦人仁

包總縣區細故捐未妨
揮洗酈生前一顰一笑非無謂
不似高皇氣馭權

落魄高陽一酒徒
略除邊幅展雄圖
桓門堅忍須臾去
長為東山出此模

布褐昂藏七尺身
不容空老酒壚春
風雲慘淡龍蛇際

首識隆顏亦可人

圮橋進履圖

明謝承舉

皇極誰銷秦火餘
勛華消息竟何如
漢家事業空無補
每恨龍鍾一卷書

題蕭何夜追韓信便面

明林廷錦

午夜松風蕩九圍
英雄何事任奔馳
可憐雲夢傷心處
應恨當年匹馬遲

四皓圖

金李獻能

弋繒安足致冥鴻自是兼懷翊贊功
謾說壺關有遺老望思臺上已秋風

四皓圖

元
元好問

身墮安車厚幣中白頭塵土浣西風
當時且下山間老羽翼區區有底功

四皓圖

七首

元
王惲

尺一招來四老翁冥冥高興振孤風
少微不是門人像調護前星最有功

人欲橫流不易攻留侯真是帝師雄笑將二老歸周意
翻作商巖羽翼翁

夜壑藏舟未厭深皎然松雪映高林閒雲終作從龍雨
唯有留侯識此心

山中日月到華胥澗飲芝餐樂自殊苦被留侯容不得
須教人彘事相污

事定歸來舊隱深皎然松雪映雲林寥寥高誼千年後
似覺元之最賞音

苦諫臣通已謾為一書光動紫巖芝後人只說安劉重
不道留侯策更奇

先生節義重丘山冠珮遙瞻漢嗣安莫以隱淪忘世論
一身歸結果何難

畫四皓

元趙孟頫

白髮商巖四老翁紫芝歌罷聽松風半生不與人間事
亦墮留侯計術中

題四皓圖

元吳澄

皓首出山來從容定儲宮儲王已御極論貴將誰同飄
然拂衣去詎敢貪天功飽茹石上芝坐蔭巖下松商巖
鬱嵯峨千載餘清風

題四皓圖 二首

元馬祖常

不聽高皇召還來太子宫阿嬭人彘禍吾恨紫芝翁
鴻鵠歌雖壯長門事可憂閒名紫芝容終不似巢由

題商山四皓

元陳思濟

引領望層顛遙見四老人蒼顏映綠水一一嚴衣巾望

之即再拜重其古先民或云黃與綺於此避強秦至德
尚可想遐蹤浩無鄰翩然若儀鳳覽德翔秋旻亡國失
大老興邦得祥麟威容動黼辰問答何精神
原本闕
二字有
餘慶偏愛遂淪湮至今仰遺烈英氣猶振振

題四皓圖

元 盧 亘

姬昌聖瑞胤厥祖泰伯仲雍逃荆蠻坐令周歷過所卜
高風千古誰追攀惠皇畏廢出奇計四老昂藏趨殿陛
呂宗覆盡鼎再安玉璽神光歸代邸趙王枯冢生秋蓬

穀城黃石埋幽宮空山不聞紫芝曲白雲影沒南飛鴻
題屏風畫商山四老人

元楊載

飛雪灑遙野衝波蕩無垠蟠蟠山谷間居此四老人下
為民庶師上作王家賓清風渺何許馳想寂莫濱

四皓圍棋圖

元黃潛

當局沉吟只謾勞區區勝敗直秋毫顛羸蹶項非君事
賴有安劉末著高

題四皓圖

元戴良

欲向商山歌采芝白雲望斷不勝悲
高人只在丹青裏
滿鬢秋風共弈棋

商山四皓圖

元李孝光

帝憂母主重廢嫡人料子房宜與謀
盟詛不虞高后劫
卑辭翻為建成籌
腹心已去悲歌起
羽翼雖成女禍留
俱墮術中曾不寤
先生輕出後人羞

題四皓商山圖

元張翥

兵塵瀕洞繞函關不到商於六里間
赤幟頻傳秦楚蹶

白雲自與綺園閒
龍蛇陸起嗟何在
鴻鵠冥飛竟不還
千載高風無復見
空餘芝草滿空山

題商山圖

元黃玠

美宦少寧居良田多賦率
曼膚白如瓠仍防汙鉄鑽
所以商山翁深逃入堂密
蔽芾皆美樅不覩長安日
揚揚大逢衣翦翦小第室
門巷既荒寒器具猶古質
渴即引井泉飢或餐木實
微我異梟鸞從人自鳧乙
平生紫芝曲久不屈此膝
鬢蒼各皓然一為天下出

題馬遠畫商山四皓圖

元錢惟善

已剖巴陵橘猶歌商嶺芝避秦非避漢一出繫安危

四皓圖

明陶安

龍爭鹿走角功名眼底浮雲悟世情有地采芝身遠遯
無心執玉手平衡衣冠誤落留侯計帶礪愁聞漢祖盟
松下龐眉垂白雪至今泉石被光榮

四皓弈圖

明陶安

安劉事畢返林丘當局機心老未休松下樵夫應暗笑

先輸一著與留侯

四皓圖

明高啓

高山深谷事悠哉
何事猶思太子來
擬向秋風歌一曲
紫芝黃鵠總堪哀

四皓弈棋圖

明朱純

一局殘棋尚未終
白頭何事到青宮
可應千里冥飛翼
却墜留侯智網中

四皓圍棋圖

明蘇平

共將聲迹遯巖阿靜裏看棋趣自多幾著消磨秦日月
一枰匡復漢山河溪邊夜雨生芳草谷口春風裊薜蘿
憶自寓形巴橘裏商於誰和采芝歌

四皓弈棋圖

明
劉師邵

雲霄萬里羨冥鴻曾為儲皇出漢宮數著殘棋猶未了
五陵松柏已秋風

題四老圍棋圖

明
王守仁

世外煙霞亦許時至今風致後人思却懷劉項當年事

不及山中一著棋

四皓弈棋圖

明
張志宗

何事山中閒弈棋
顏如丹渥鬢如絲
不將白眼看浮世
且向山中歌紫芝
歌紫芝心蕩蕩
羸秦殘忍知不知
若無張子房
安肯出彤墀
羽翼太子難動移
雖有矰繳將安施
扶弱安劉今幾時
畫中見之恍在斯
問之不答亦不顧
妙算還他一著奇

題四皓圖

明
張鳳翼

羽翼功成仗草萊不教丹詔下輪臺留侯自有安劉策
未必商山四皓來

夢客攜商山四皓圖令余賦之

明 王世貞

尚憶商山聘千秋卧未深兵戈留地肺羽翼轉天心衰
矣紫芝詠惜哉黃鵠吟豈應龍變化來去杳難尋

題四皓圖

明 陳繼儒

鬢蒼皓白好踈頑何事相將入漢關一片商山留不住
終輸圯上老人閒

張釋之諫文帝圖

宋 劉子翬

擾擾椎埋徧九原因山獨有霸陵存孝文儉德雖天縱
亦賴忠臣効一言

伏生授書圖

元 王 惲

遺書灰冷散飛煙老喙重宣即粲然三策竟從名數說
潁川方寸殆虛傳

題伏生授書圖

元 戴表元

白頭不死見時清女子相依解授經何用生男作鼂錯

乃翁一語不曾聽

伏生授經圖

元 吳師道

老生抱百篇藏壁避暴秦漢興流亡定取視半不存二
十有八篇當時號令文苟非著簡冊文字何繇分無端
安國寬倡說異前聞並言本經失口授熟以馴承風競
接響誰復究其原寬也尤厚誣因圖略開陳生老不能
行故遣錯至門云何易其語謂不能正言諸生近齊魯
傳言豈無人奈何使女子此事決非真錯來止授冊豈

復書所云藉令書所云審視生必親唐儒更妄謬謂目
亦眊昏痛哉百歲老幽壤抱冤沉想初二子意祇務孔
壁尊以彼口傳訛非與吾書倫焉知反自累異說滋其
根詆誹忍廢古悍戾恣紛紜此輩不自量按據為奇新
但知快攻擊何曾精討論試看錯脫簡今古文所均口
熟豈應爾完具必未焚此理最易察翫習常因循考古
貴求是執要元不煩請誦馬班書毋為浪啾喧

伏生授經圖

元
鄭元祐

老無牙齒語音訛斷簡殘編缺字多不賴閨中賢弱息
帝王典則竟消磨

題伏生授書圖

元吳澄

後死寧非數能言豈必男如何掌故耳未了異方談篇
簡僅四七語音罔二三可嗤千載下孔傳苦研覃

奉題伏生授書圖

元楊維禎

沙丘崩科斗藏典墳孰求楚左相金絲未壞孔子堂濟
南老生教齊魯繇蒞禮生何足伍挾書嚴禁禁未開盤

詰誰能禁齊語百年禮樂當有興天子好文開太平百
篇大義喜有託十三女口傳嘵嚶太常掌故親往受百
篇僅遺二十九河內女兒還自疑老人屋中有科斗建
元博士孔襄孫五十九篇為訓文嘉唐悼桀空有詔孔
氏全經誰與論倪家書生能受學一篇薦上原非撲賞
官得列中大夫帝軌皇圖未恢擴漢家小康黃老餘烏
用司空城旦書蓋師言治在何處後世徒走陳農車

伏生傳經圖

明
魯鐸

祖龍火中書作堆阿房相繼為塵灰九旬老儒食漢粟
元自咸陽坑外回向來傳道心自許挾書律在無儔侶
太常掌故來何遲舌固猶存難正語閨中弱息諳聖謨
口相授受曾何拘刪書門下誰復在一女擬當三千徒
掌故心神只方策耳目何嘗滯聲色楚國雖亡見倚相
孔堂未上聞金石謾道方言多異同濟南不與潁川通
子襄科斗人不識考論文義終誰功天為斯文存一綫
漢人及見先生面吾今尚恨禮殘樂不傳當時試問寧

徒然

朱翁子負薪卷

元張翥

富貴危機解殺身是非千古付樵人
當時長史魂應悔不向山中只負薪

題買臣負薪圖

明陳達

海邦六月煩暑逼石牀晝臥紛華息
清風颯颯自南來恍然如入華胥國
初醒頓覺日半斜簷頭幾陣蜂將衙
朗吟老子五千字漫酌盧生七椀茶
敲門忽見東谿氏

手持一幅鴛溪紙云是晴沙遠遺之分明貌出朱翁子
憶昔登登伐木時行歌道路聲暗鳴豈徒不入駟僮眼
何當更被糟糠啗五十功名未遲暮錦衣烜赫人如故
誰知此日除道夫却配當年棄夫婦朱顏闇淡應無光
後車同載空傍徨丈夫出處自有數悔把深恩一日忘
披圖誰不增感慨嗟彼女流何足怪不見翟公門下客
一貧一富知交態

買臣負薪圖

明
劉泰

家貧且作會稽樵擔在肩頭斧在腰出谷每煩明月送
入山何待白雲招松深濕翠沾書卷花近晴香撲酒瓢
千載榮歸憐去婦低回羞過覆盆橋

買臣秋樵圖

明程敏政

西風蕭蕭振黃葉何處平原初罷獵會稽山下負薪人
倚樹掀髯亦豪傑一朝印綬懸其身白日照耀新朱輪
誰知擔上芸香冊只博人驚車馬塵

相如滌器圖

明唐寅

琴心挑取卓文君賣酒臨邛石凍春狗監猶能薦才子
當時宰相是何人

帶經圖

明 廖道南

春園鋤罷惜分陰獨展遺經抱古心
歷相三朝開兩府却遺鴻業照詞林

題帶經漂麥二圖

明 高啓

朝鋤東皋上暮鋤西陂側釋耒讀遺經欣然此休息
因觀舜稷事耕稼寧辭力

田中刈麥罷把卷忘其疲風雨忽云至千穗漂無遺於
書苟有得歲晏何憂飢

高鳳漂麥圖

元王惲

疾雷破柱雨翻盆甑墮何煩顧惜頻儻為把書都不省
先生應是太癡人

張騫乘槎圖

元戴表元

數尺枯槎底易騎海風吹浪白瀰瀰如今市上君平少
曾到天河也不知

題鄭昭甫寫張騫乘槎圖

明林鴻

袞袞黃河天上來，茂陵底事望蓬萊。
早知博望乘槎便，虛築通天百尺臺。

乘槎圖

明朱諫

仙人御風行萬里，九土茫茫盡煙霧。
張騫有術却乘槎，飄然直上天河去。
順流更欲下崑崙，霞衣又拂三珠樹。
莫將勝事論有無，直對芳樽詠佳句。


題乘槎圖

明僧妙聲

秋風駕洪濤靈槎中蕩搖
恍如乘船天上坐帝青九萬
無纖毫黃姑織女長相見
歸來空記當時面至今海與
銀河通何因再得相從容



御定歷代題畫詩類卷三十四



總校官庶吉士 臣 侍 朝
校對官編修 臣 裴 謙
謄錄監生 臣 劉 銓 瑛

欽定四庫全書薈要

集部

御定歷代題畫詩類卷三十五

五六

欽定四庫全書薈要

御定歷代題畫詩類卷三十五目錄

故實類

射虎圖

明楊慎

題李廣利伐宛圖

明宋濂

李陵縣軍遇敵圖

元陳泰

武帝問日碑圖

宋劉子翬

題蘇武忠節圖

宋文天祥三首



跋蘇武持節圖

元王惲三首

蘇武牧羊抱雛圖

元袁桷

題蘇武牧羊圖

元鄭元祐

題蘇武牧羊圖

元楊維禎

蘇武持節圖

元劉詵

題蘇子卿牧羊羝圖

明劉炳

屬國冬牧圖

明程敏政

題趙子昂蘇武牧羊圖

明謝復

牧羊圖 明李麟

蘇李會合圖 元范梈

題李陵宴蘇武圖 元劉詵二首

題李陵見蘇武圖 明劉基

蘇李泣別圖 宋劉克莊

題蘇李泣別圖 元戴表元二首

蘇李圖 元戴表元

蘇李相別圖 元程鉅夫

蘇李河梁圖 元表楠

和謝敬德學士題蘇武泣別圖韻 元許有壬二首

蘇李泣別圖 元陳樵

蘇李泣別圖 明高啓

題李陵蘇武泣別圖 明錫炳

李陵泣別圖 明袁凱

子卿泣別圖 明康海

題蘇李泣別圖 明左國璣

子卿歸漢圖 金趙秉文

蘇武歸朝圖 明邱濬

霍光取璽圖 宋劉子翬

丙相問牛圖 元王惲二首

丙吉問牛圖 元許有壬

丙吉問牛喘圖 元虞集

分韻賦二疏供帳圖 元吳師道

跋東門祖道圖 元王惲二首

題張敞畫眉

元劉詵

張敞畫眉圖

元牟獻

漢成帝幸張禹第宅圖

元王暉

題嚴陵獨釣圖

元揭傒斯

子陵釣圖

元周權

子陵垂釣圖

明魏偁

題無訟堂屏上表安臥雪圖

宋楊萬里

題表安臥雪圖

元王暉三首

題袁安臥雪圖 元陶宗儀

題李唐畫袁安臥雪圖 明張羽

袁安臥雪 明王越

合紙屏為小閣畫臥袁訪戴其上名之曰聽雪各

與長句 宋方岳

題絳帳圖 宋韓駒

却金圖 明廖道南

梁父吟扇頭 元元好問

諸葛春耕圖

明程敏政

題劉先主三顧草廬圖

明王阜

三顧草廬圖

明唐寅

題孔明出師表圖

明李堅

欽定四庫全書薈要卷一萬九千一百四十三

集部

御定歷代題畫詩類卷三十五

故實類

射虎圖

明
楊慎

錢選好手工白描粉墨丹青色沮喪細觀逸跡迥不俗
氣骨深穩形蕭放中丞此圖開似我行行遊獵極殊狀
漢家昔日李將軍生射猛獸天下聞彎弓半夜沒白羽
飛鞚晴晝生黃雲今之圖畫無乃是披卷似覺陰風起

積雪慘澹長白山草木蒼乾松漠間將軍身乘大宛馬
從騎亦是驍雄者合圍射虎虎帶箭相持不肯遽相下
虎鬪馬驟兩若飛咆吼欲震長平瓦東海黃公魯卞莊
裴旻舞劍相頡頏古來英英者數子繪事簡策傳芬芳
何物少陵愁杜甫短衣南山思射虎老驥伏櫪悲鳴苦
壯士哀歌淚如雨天狼煌芒直威弧安得此輩西破敵
却走馬蹄報神都為獻單于款塞圖

題李廣利伐宛圖

明
宋 濂

貳師城頭沙浩浩貳師城下多白草六千鐵騎隨將軍
風勁馬鳴高入雲師行千里不畏苦戰士難教食黃土
上書天子引兵還使者持刀遮玉關烏孫輪臺善窺伺
宛若不降輕漢使璽書昨夜下敦煌太白高高正吐芒
戍甲重徵十八萬居延少年最翹健殺氣漫漫日月昏
邊塵冉冉旌旗亂水工決水未絕流旄竿已揭宛王頭
執驅校尉青狐裘牝牡三千聚若丘惜哉五原白日晚
郅居水急游魂返

李陵縣軍遇敵圖

元陳泰

壯哉射虎將軍孫惜哉扼虎邊軍魂
旌旗半捲日光薄風吹野水秋無言
生降孰與死戰樂天子未負將軍恩
陣前八駿血為淚仰面不見咸陽門
祁連山頭堆首領將軍多馬今何贖

武帝問日碑圖

宋劉子翬

漢朝人物盡英奇武帝招延盛一時
拒諫不能容汲直託孤何至不深思

題蘇武忠節圖 三首

宋 文天祥

忽報忠圖紀歲華東風吹淚落天涯蘇卿更有歸時國
老相兼無去後家烈士喪元心不易達人知命事何嗟
生平愛覽忠臣傳不為吾身亦陷車

獨伴羝羊海上遊相逢血淚向天流忠貞已向生前定
老節須從死後休不死未論生可喜雖生何恨死堪憂
甘心賣國人何處曾識蘇公義膽不

漠漠浮雲海戍迷十年何事望京師李陵罪在偷生日

蘇武功成未死時鐵石心存無境變君臣義重與天期
縱饒夜久風塵黑百鍊丹心涅不緇

跋蘇武持節圖

三首

元王惲

使華往返見交兵老我何嘗繫重輕已分橫身膏草野
茂陵松柏夢秋聲

君臣義合以忠持十九年間節可知邂逅論詩幾侮玩
區區才得典諸夷

兩行哀淚血霑襟一節酬恩北海深衛律有知慙即死

更來游說此何心

蘇武牧羊抱雛圖

元 袁 桷

寒羶齧盡節旄稀野曠風低短草肥
忽見嬋娟新月上
却疑身似夢中歸

題蘇武牧羊圖

元 鄭元祐

飛鴻歷歷度天山何處孤雲是漢關
不滴望思臺上血
君王猶及見生還

題蘇武牧羊圖

元 楊維禎

未入麒麟閣時時望帝鄉寄書元有鴈食雪不離羊旄
盡風霜節心懸日月光李陵何以別涕淚滿河梁

蘇武持節圖

元 劉 詵

朔雪漫沙幾白羝悲風吹凍滿羶衣少卿駝馬彌山谷
何似中郎一節歸

題蘇子卿牧羝圖

明 劉 炳

穹廬十九年坐臥持漢節來歸滿鬢斑疑帶天山雪

屬國冬牧圖

明 程 敏政

天山雪花大如席瀚海東頭絕人迹羣羊散落沙磧間
齧盡寒羶歲云夕塞垣孤月十九冬手持節旄歸漢封
不知麟閣丹青手曾寫當時憔悴容

題趙子昂蘇武牧羊圖

明謝復

誰寫漢中郎風流趙子昂雪中持漢節海上牧羝羊氣
與風霜勁忠爭日月光君為宋家子揮翰亦堪傷

牧羊圖

明李麟

萬死間關抗塞塵廿年北海未亡身牧羊不羨彌山富

仗節惟拚鬻雪貧已分此生甘首蓐豈知他日畫麒麟
河梁相向降奴泣白髮憐看漢老臣

蘇李會合圖

元范梈

未識沙場苦空曾奉使來詎知羝乳約不抵鴈書迴漢
節風霜苦胡笳旦莫哀誰憐太史令心為故人摧

題李陵宴蘇武圖

二首

元劉詵

居延山下馬成羣伎樂聲高夜入雲初志消磨如衛律
殷勤置酒教蘇君

屬國難酬白髮郎
延平誰與弔沙場
隴西使者如雲出
却要迎歸右校王

題李陵見蘇武圖

明 劉基

中原無書箴不乳
狐裘蒙戎奈何許
老身漢節死生俱
地角天涯見明主
金鞍駿馬空故人
相看一笑增悲辛
悲來風沙吹上馬
河水東流日西下

蘇李泣別圖

宋 劉克莊

風雲慘悽草樹枯
死笳鳴馬嘶弦
驚鷗起熟看境色
非

人間祁連山下想如此手持尊酒別故人此生再面真
無因胡人漢兒俱動色路傍觀者為悲辛歸來暗灑茂
陵淚子孟少叔方用事白頭屬國冷如冰空使穹廬歎
忠義茫茫事往賴畫存每愁歲久縑素昏即今畫亦落
人手古意淒涼誰復論

題蘇李泣別圖

二首

元戴表元

弓疲矢盡三千里節敝衣穿十九年流落天涯有離別
當時誰擬畫圖傳

沙雲如雪雪如塵握手相看語語真多少世間無淚面
一生錯笑隴西人

蘇李圖

元戴表元

塞北中郎雪滿頭隴西壯士淚沾裘人生百歲能多少
直至如今說未休

蘇李相別圖

元程鉅夫

漠漠陰風吹草低蕭蕭漢節對羣羝少卿心事原無異
家共長安萬里西

蘇李河梁圖

元 袁 桷

曾作河梁客山迴溪水灣春看人北上秋見鴈南還

和謝敬德學士題蘇武泣別圖韻二首

元 許有士

死節吾已矣生還不如天王非太忍臣罪不勝誅
親交生別去子復棄遐荒只道還家好還家恨更長

蘇李泣別圖

元 陳 樵

祁連山下空拳折啼鳥入夢頭如雪胡越相看十九年

今日輸心為君說窮兵未必來遠人居

原本闕

謀

原本闕
二字

可馴天驕萬里來稱臣他年陛下知臣心

蘇李泣別圖

明高啓

丁零海上節毛稀幾望南鴻近塞飛泣盡白頭相別淚
少卿留北子卿歸

題李陵蘇武泣別圖

明銜炳

臣有千古哀覆水一去難再回臣有三寸舌染絲一黑
難再白丈夫瓦裂聲名虧漢不我德將安為吞聲長哀

送蘇武忠肝惟有青天知煙沙蕭條壓冰雪心事淒涼
淚成血誰憐冤魄老塞塵空有丹心瞻漢闕目斷關河
夕照迷茂林煙樹草萋萋將身不似雲邊鴈猶得年年
故國歸

李陵泣別圖

明袁凱

上林木落鴈南飛萬里蕭條使節歸猶有交情兩行淚
西風吹上漢臣衣

子卿泣別圖

明康海

積怨世豈惻感別會仍艱置酒話夙昔詎終千萬端歎
息淚沾臆徒令摧肺肝昔為雙飛龍今為孤翼鸞丈夫
恥微諒况爾烈士顏躍馬塞上別欲歸中自難徒切報
主恨安悔軍吏言勝負有微數奮勵心所安所以君子
人不處嫌疑間

題蘇李泣別圖

明
左國璣

蘇武天山下吞羶齧雪花誰知寄書鴈飛到漢皇家去
日持丹節歸頭滿素華相隨李校尉別淚泣塵沙

子卿歸漢圖

金趙秉文

節旄落盡始歸來
白髮龍鍾老可哀
猶勝生降不歸漢
將軍空有望鄉臺

蘇武歸朝圖

明丘濬

茂林煙樹碧蕭疎
白首生還志不渝
面目依稀猶似昔
節旄零落已無餘
歸期不待羝生乳
遠信真成鴈寄書
頗有幽懷忘未得
夢魂時或到穹廬

霍光取璽圖

宋劉子翬

此郎守節固堪論漢璽飄飄亦僅存周勃取將迎代邸
霍光持去授皇孫

丙相問牛圖

二首

元
王
暉

牛來近地暑光微深媿調元相業非後世幾人能辨此
寧車甘受野人譏

休驚宣父才難歎兩漢調元見是公後世幾人能辨此
救時纔得一姚崇

丙吉問牛圖

元
許有壬

肥充列鼎健充車厚養專為簿領驅千古清風梓人傳
憑誰書繼丙家圖

丙吉問牛喘圖

元虞集

少陽用事春猶淺丞相公行問牛喘三公職事知者稀
嗟彼德微蒙策免天子有道守四夷中心無為日萬幾
遠有荒服近有畿夙夜明哲發裳衣

分韻賦二疏供帳圖

送王善父司元業致仕歸

吳師道

長安城東門雜沓送客車客車數百兩高蓋蔭華裾西

都明主優賢日東海老臣辭位初一家父子信奇事况
乃同時還里間停車下馬坐張次轡牲行酒聊躊躇當
時送者亦可喜惜哉名字無人書黃塵漫漫長安路疾
走高才恣馳騫祇見人覓公卿來不見人送公卿去朝
衣載東市輓紼歌薤露何如白首樂故居趣賣黃金日
供具賢哉疏大夫此事從古無後來復有楊司業昌黎
稱是斯人徒王公官與楊公比一旦飄然亦相似高節
清風凜終始喚取良工續畫圖共仰修名炤青史

跋東門祖道圖 二首

元王惲

東門祖帳盛官儀，
泝泝鸞旗動漢騑。
燕几道尊邊有踐，
碧空雲靜日重暉。
飄蕭物表桑榆境，
洒落人間寵辱機。
東海西邊兩坵土，
至今圖畫見宮闈。

二疏心迹本鴻冥，
解紱東還敞屣輕。
劔履中朝傾百位，
風雲高駕渺雙旌。
問金奚有田廬計，
歸夢都忘寵辱驚。
詔獄惇然賢傅死，
虛勞明主問蕭生。

題張敞畫省

元劉詵

京兆春風到柳枝
翠簾縹緲遠山奇
梁鴻亦有齊翁樂
不要人間黛綠施

張敞畫眉圖

元牟巖

眉嬾臣罪小
君王一笑休
明日章臺路
便面越風流

漢成帝幸張禹第宅圖

元王暉

王氏當朝久
惡譁幸回天
鑒絕萌芽恬
然不主天人斷
長恨安昌負
漢家

題嚴陵獨釣圖

元揭傒斯

何事玄纁入里閭羊裘暫脫就安車空令太史驚同寢
猶把狂奴視報書一出聊為天子重諸公莫道故人疎
朝廷自是中興士且放桐江著老儻

子陵釣圖

元周權

東都熱官手可炙吳儂面似秋江色平生落拓一羊裘
七葉貂蟬不堪易功臣盡在雲臺中丹青化作灰塵空
先生遺貌乃在此釣竿尚裊桐江風悠悠世事江雲白
過眼輕帆自朝夕人間萬古仰孤風天上有星猶是客

子陵垂釣圖

明魏 倂

羊裘那肯換簪纓一曲桐江老此生高節終扶炎漢祚
漁竿不是釣虛名

題無訟堂屏上袁安卧雪圖

宋 楊萬里

雲牕避三伏竹牀橫一丈退食急袒跣病身聊偃仰有
夢元無夢似想亦非想滿堂變冥晦寒陰起森爽門外
日如焚屏間雪如掌蕭然聳毛髮皎若照襟幌拔地排
瑤松倚天立銀嶂遙見幽人廬茅棟壓欲響有客叩柴

門高軒隘邨巷剝啄久不聞徒倚覺深悵幽人寐政熟
何知有令長誰作卧雪圖我得洗炎瘴

題袁安卧雪圖

三首

元王
惲

曲突無煙雪擁關引書高卧自怡顏須知四世三公業
不在人情冷煖間

突不煙黔雪擁扉一編義易療朝飢火城莫羨沙堤相
論士當觀未遇時

窮巷無人與叩關長安風雪一家寒挺然不為飢驅去

肯逐時人作熱官

題袁安卧雪圖

元陶宗儀

玉琢芙蓉朵朵開
乾坤清氣費詩裁
先生一榻高千古
不管門前縣令來

題李唐畫袁安卧雪圖

明張羽

袁生抱高節處順以安時
杜門不出仕自與塵世辭
歲暮多嚴風積雪盈路歧
擁鑪獨高卧中心還自怡
縣令何所聞下車扣茅茨
問君胡不出答云恒苦飢
慎守固

窮志相干豈其宜此事沒已久緬焉獨馳思披圖三歎
息高風如在茲嗟彼後之人汲汲徇其私

袁安卧雪

明王越

卧雪丰姿入畫清當時令尹亦多情於今縱有袁安在
雪裏誰來問死生

合紙屏為小閣畫卧袁訪戴其上名之曰聽雪各
與長句二首

宋方岳

空山十日雪塞門天荒地老無行人蘆花敗絮不堪著

山石夜裂蒼皮皴奇寒中人僵顛肩樵汲路迷瓶粟既
駕風萬鶴危欲仙此腹久無煙火氣家家暖入紅麒麟
誰肯問訊推柴荆洛陽令亦可人者惜哉史不書其名
此公要亦非知我志士從前例寒餓儻令開口向凡兒
寧忍春雷曲肱卧

颼颼颼風落木浙浙瀝瀝聲撼竹乾坤不夜起開關
一港玻璃四山玉我所思兮渺中洲幽懷欲寫誰與酬
世間餘子不足語乘興徑上海翁舟未到山陰竟回櫂

歛去驟來何草草神交何必面相朋逸韻高情一如掃
寧可一生無此人不可一日無此君襟期何必戴安道
玉立寒青自不羣

題絳帳圖

宋韓駒

豈有青雲士而居絳帳間諸生獨何事不上會稽山

却金圖

明廖道南

伯起乘車牧郡時却金昏夜敢云私漢庭石室芳名滿
清白相傳有四知

梁父吟扇頭

元
元好問

盤礴萬古心塊石入危坐青天一明月孤唱誰與和

諸葛春耕圖

明
程敏政

一夜春溪新雨足曉耕已徧前川曲烏犍少脫半犂閒
鳥外茸茸草根綠坐愛一株沙柳陰展卷疑聞梁父吟
布衣未接隆中聘誰識當年開濟心

題劉先主三顧草廬圖

王
阜

火星匿輝三光翳當時妖鬼移神器中山華胄左將軍

仗鉞西南伸大義
南陽卧龍天下無
枉駕三顧風雲趨
草廬傾蓋君臣際
魚水同心契合初
大將荆益分三傑
赤壁樓船煙燼滅
漢中纘緒帝業成
青史煌煌載功烈
關張龍虎皆殞身
直以中原仗老臣
木牛轉餉關中粟
甲馬空思渭北塵
渭兵十萬揚威武
典午滑賊虎成鼠
出師二表八陣圖
耿耿孤忠照千古

三顧草廬圖

明唐寅

草廬三顧屈英雄
忼慨南陽起卧龍
鼎足未安星又隕

陣圖留與浪淘春

題孔明出師表圖

明李堅

永安宮中日欲落榻前面拜遺孤託先皇飲恨臣所知
忍見翠華終劔閣臣身與賊不俱生誓提義旅清中京
汛除九廟光舊物上謝先帝酬忠貞六師戒日臨河渭
曉發披誠表天陛諄諄恢復次第陳縷縷忠肝兼義氣
事關宮府在相通親賢遠佞先漢隆後王不鑒高祖訓
累我漢業遭塵蒙漢家賊姓難兩立王業偏安大無策

鞠躬盡瘁臣所安利鈍成虧非可臆炎精無光赤灰冷
五丈原頭將星隕才前長史整旋軍巾幗老奴拜天幸
煌煌二表明丹青文追伊傅光六經留傳人世勸忠蓋
呵護時有神威靈英雄無命古如此大節堂堂映青史
君不見二十四疏請回鑾東京留守銜悲死

御定歷代題畫詩類卷三十五

欽定四庫全書薈要

御定歷代題畫詩類卷三十六目錄

故實類

龐公攜家圖引

明王逢

題龍眠曹楊讀碑

元程鉅夫

讀碑圖

元鄭元祐

曹娥江讀碑圖

元僧大訢

題讀碑圖

明朱經

管幼安濯足圖 金趙秉文

幼安濯足圖 元劉因

管寧濯足圖 元楊奐

題王粲登樓圖 元楊維禎

奉題鐵遂相公王粲登樓圖 元余日強

題孫登長嘯圖 元趙孟頫

竹林七賢圖 元虞集

竹林七賢圖 元王惲二首

題竹林七賢圖 元錢選

竹林七賢圖 明邱濬

竹林七賢圖 明張寧

尤子求竹林七賢圖 明王世懋

題竹林七賢 明陳棖

嵇康柳下鍛圖 元鄭元祐

仲容摘阮圖 元張天英

習池醉歸圖 金馮璧

醉山簡圖 宋劉子翬

題石崇錦障圖 元朱德潤

題金谷園圖 明劉基

跋扇頭郝隆曬書圖 元馬祖常

題晉劉琨雞鳴舞劍圖 元吳萊

觀運甃圖有感 明董其昌

投書圖 元元好問二首

右軍書扇圖 元王惲

右軍觀鵞圖 元王惲

羲之籠鵞圖 明方孝孺

題柳文範舍人畫右軍觀鵞便面 明程敏政

題羲之墨沼圖 明魏時敏

逸少蘭亭圖 明張以寧

觀蘭亭修禊圖 明黃洪憲

蘭亭修禊圖 明白圻

蘭亭修禊圖 明袁宏道二首

題羊欣練裙圖 元王廓

題王晉卿畫四景 宋蘇軾

次韻題畫卷四景 宋蘇轍

題謝安石東山圖 宋朱子

題趙師舜謝安遊東山圖 元虞集

謝太傅東山圖 元王惲二首

趙仲穆東山圖 元吳鎮

題謝安觀山圖 元丁鶴年

謝安遊東山圖

明吳寬

謝太傅攜妓東山圖

明徐渭

謝太傅弈棋圖

元王惲

謝安對弈圖

元程鉅夫

支遁相馬圖

金趙秉文

題王武子相馬圖

元王惲二首

王武子相馬圖

元范梈

題明發所畫訪戴圖渠自有詩

宋晁說之

答錢遜叔訪戴圖 宋呂居仁

雪夜訪戴圖 元歐陽玄

題子猷訪戴圖 明張以寧

題扇面子猷訪戴圖 明黃仲昭

子猷乘興圖 元金涓

題子猷迴舟圖 元王惲

題山陰回櫂圖 元馬臻

石勒問道圖 元元好問

石勒問道圖 元王惲

王猛捫蝨圖 宋劉子翬

欽定四庫全書薈要卷一萬九千一百四十四集部

御定歷代題畫詩類卷三十六

故實類

龐公攜家圖引

明王逢

鴻鵠巢高林
龜鼉穴深淵
所以龐德公
躬耕峴山田
當時劉表儕
雄才黃金足
置燕王臺臺
成禽荒甘鳩
毒醉
鞬臂錦呼鷹
來鷹飢受呼
飽則去非熊
之倫孰得馭
諸
兒豚犬遺以
危况復蒼生
天下慮蘇嶺
石鹿雙聳然
霞

日絢爛芝莖鮮囊衣裹糒車連連白騾青犢叅後先舉
家相攜入長煙竟託採藥終天年至今事跡有在心無
傳嗚呼孔明不遇大耳主亦必老向隆中眠

題龍眠曹楊讀碑

元程鉅夫

以彼禍賊深遇此智術淺道旁十六字方爾較近遠

讀碑圖

元鄭元祐

摩挲漢鼎朶饒頤臣道為忠孝可移枉使南來五千里
越江漫讀孝娥碑

曹娥江讀碑圖

元僧大訢

海門五月潮如山龍伯鬣負蒼蛟頑越俗輕生好巫鬼
婆娑踏舞洪濤間羣巫姣服盱獨好歌聲忽絕紅旗倒
孝娥死抱父尸出天地無情日杲杲雄詞不媿邯鄲兒
萬金莫購中郎題碑陰八字非隱語德祖有智如滑稽
豈是阿瞞不解此感媿上馬歸路迷女德猶能奮其節
壯夫氣吐萬丈霓姦雄復欲欺後世白頭猶愛漢征西
丹青似是董狐筆千年要與竹帛齊娥江新廟照江水

可憐銅雀草萋萋

題讀碑圖

明朱經

孝娥碑在曹江濱誰其作者邯鄲淳中郎八字因贊美
後來索隱寧無人老瞞久欲窺神器既見此圖心若媿
較三十里乃遜辭姦雄實憚楊修智修乎修乎智有餘
用之治世將無如露才揚已古所忌况復漢賊基黃初
今我憮然觀繪墨懷賢為爾傷雞肋研磨銅雀臺上瓦
點染霜毫動秋色絕妙好辭天下無異代讀碑傳作圖

長歌落日西風起酒酣擊缶聲嗚嗚

管幼安濯足圖

金趙秉文

道喪何人識重輕白頭不作魏公卿
滄浪濯足知君意濁水那能浼我清

幼安濯足圖

元劉因

漢家無復雲臺功平生不識大耳公
眼中天意鏡中語此身只有扁舟東
關東諸公亦英雄百年能辨山陽封
歸來老柏號秋風世事悠悠七十翁
乾坤故物兩足在

霜海浮雲空復空，無刀可斷華太尉。
有死不為丕太中，丹青皁帽凜冰雪。
高山目送冥飛鴻，為問蘇家好兄弟。
萬古北海誰真龍。

管寧濯足圖

元 楊 真

踏遍遼東未是癡，藜牀穿穴只心知。
好留一掬黃泥水，漫却曹郎受禪碑。

題王粲登樓圖

元 楊 維 禎

臨洮水洄銅人毀，西園青青草千里。
秦川公子走亂離。

瘦馬疲童面如鬼，俊君威名跨海南。
虎視走鹿何眈眈，可憐膝下盡豚犬。
誰復大廈收椽楠，落月樓頭髀空拊。
目斷神州隔風雨，平生不識大耳公。
座上客歸丞相府，春深銅雀眼中蒿。
攬涕尚復思登高，江山破碎非舊土。
版圖何日還金刀，荆臺高樓已荆棘。
丹青寫賦工何益，君不見袁家有客能罵賊。
將軍頭風重草檄。

奉題鐵遂相公賦王粲登樓圖

元 余日強

建安文章應劉陳，通脫亦有王公孫。
長安西行白日匿。

漢陽人依劉俊君漢陽偷安無遠略王孫坐覺荊州窄
英雄固當擇所歸作掾終慙座上客北風蕭蕭吹素心
北望杳隔荆山岑魏官牽車出關遠銅華蝕風驚春深
秋來滿眼生禾黍江山重感非吾土憑軒作賦抑何心
猶是黃初非典午君不見當時奴視賣履翁矯矯文舉
真如龍

題孫登長嘯圖

元趙孟頫

在澗幽人樂考槃南山白石夜漫漫空林無風萬籟寂

長嘯一聲山月寒

竹林七賢圖

元虞集

瞻彼修竹下臨清流文石偃隄華松蔭丘植表界壤翦
茅宅幽梁度高巘臺隱中洲方牀讀書異宮同休詠歌
相聞觴豆相求或蒔名藥或釣游儵課藝嘉植坐思遠
遊濯纓微波看雲良疇逸而不放儼而自修泰哉沮溺
邈乎巢由按圖以觀永宜春秋孰若五君遺其故儔糟
粕塵世高蹤莊周我懷古人遜而違憂安得揮絃以招

湛浮

竹林七賢圖 二首

元王 暉

森森煙玉太行秋
七子徜徉結勝遊
笑殺阿戎真俗物
出山能幾執牙籌

魏晉清談倡若徒
永嘉東播洛為墟
大書不削陽秋筆
更著丹青詫隱居

題竹林七賢圖

元錢 選

昔人好沉酣
人事不復理
但進杯中物
應世聊爾爾
悠悠

悠天地間媮樂本無媿諸賢各有心流俗毋輕議

竹林七賢圖

明 邱 濬

太行之陽修竹林昔賢於此閑登臨江山如故遺蹟在
空有清風傳至今晉人曠達尚玄語棄置禮法胡如土
神州陸沉二百年當時豈但王夷甫

竹林七賢圖

明 張 寧

深竹暗浮煙羣公樂事偏高情動寥廓清論入微玄豈
是巢由侶何如沮溺賢其誰匡典午勲烈照遺編

尤子求竹林七賢圖

明 王世懋

河內構崇基景文弱皇祚達人鑒幾先
沉酣遠世路把臂命儔侶齊心諧所慕
開襟蕩幽思倚篠託貞素英英嵇阮姿
便便山公度劉生橐玄關秀也協真悟
仲容既同調安豐復軒舉忘年在冥心
日日自成趣聚散會有窮金石交未蠹
追舊黃公壚興哀山陽賦絲肉無留聲
淇園今非故執鞭莫余從風流或可泝

題竹林七賢

明 陳 棖

河內衣冠勝會同竹林高興自無窮野橋翠滴諸山雨
石几涼生六月風身外功名爭似酒閒中歲月任飛蓬
可憐遺跡銷沉後錯把丹書付畫工

嵇康柳下鍛圖

元 鄭元祐

何所聞而來不妨柳下鍛何所見而去魏鼎不復爨哀
哉志士千古心有鎚弗鍛躍冶金

仲容摘阮圖

元 張天英

林中長憶仲容賢水底龍吟阮上絃彈破白雲飛不去

化為磐石已千年

習池醉歸圖

金馮壁

襄漢方屯十萬兵
習池日往不曾醒
紛紛誤晉皆渠輩
何獨王家一寧馨

醉山簡圖

宋劉子翬

倒載山公豈酒狂
羣兒拍手峴山旁
汗青等是虛名耳
不把雲臺換酒鄉

題石崇錦障圖

元朱德潤

洛陽金谷園中花雕玉為闌繡作遮琉璃器多出珍饌
瑪瑙街長行鈿車椒房塗香貯歌舞曳珠珥翠籠輕紗
珊瑚扶踈三四尺王羊貴戚爭豪奢那知花淫風雨妒
古來山澤生龍蛇嬋娟墜樓寶玳碎月明夜半啼驚鴉

題金谷園圖

明 劉 基

君不見石家名園擬黃屋蜀錦作圍金作谷暖香烘日
浮紫霄冰紈火布鮫人綃燕釵十二歌白苧珊瑚玲瓏
綠珠舞月榭吹笙引鳳凰霧幄傳觴語鸚鵡爨下蠟光

宵未歇樓上佳人碎瓊雪空將遺恨寄丹青留作千年覆車轍

跋扇頭郝隆曬書圖

元馬祖常

腹笥便便貯五經天邊夜半失文星蠹魚不覺芸香苦肯信腸中有汗青

題晉劉琨雞鳴舞劍圖

元吳萊

我行洛陽大道邊一雙蒼鷺飛上天惜哉春水御溝去化作胡人飲馬泉前山雞鳴夜欲半古劍隨身舞凌亂

白光虎躍騰雪霜神氣龍蟠貫星漢望中沙漠衣正寒
舉手顛倒髮衝冠鹿盧蹻動即千里蘭子戲成徒七盤
人生豈無志事往僅有淚疲兵獨困守劇虜翻強鷙孔
融才疎不足多袁紹衆盛空黃河代公土地仍同患段
國風塵謾負戈世間壯士但老死凍鐵沉埋何處使千
秋萬歲青金蚪恨不鑄得劉并州

觀運甓圖有感

明
董其昌

壁紀滄洲勝圖開白社清俱為豐歲寶詎有惜陰情運

甕神誰寫先鞭意不輕賭棋真賤戲抱甕豈嘉名談塵
嗤王謝紆籌似孔明直令披畫者忼愾請長纓

投書圖 二首

元 元好問

一東空書不療飢浮沉隨水恰相宜醬家藥楮輕拋却
却是洪喬見事遲

屈作書郵未肯心百函隨水聽浮沉虛名底用寒溫問
却是洪喬最賞音

右軍書扇圖

元 王 惲

王謝當年奕世豪
東山逸興更滔滔
不應經略中興志
留在書名與日高

右軍觀鵞圖

元王暉

照眼雙鶻引頸來
曾中妙思與之偕
寥寥尚友千年後
只有涪翁識此懷

羲之籠鵞圖

明方孝孺

內史清真江海情
每將高誼動朝廷
平生却被能書誤
更為鵞羣寫道經

題柳文範舍人畫右軍觀鵞便面明程敏政

晉帖紛紛逐逝波畫中徒見右軍鵞家雞亦有臨池興
未必元和媿永和

題羲之墨沼圖

明魏時敏

風流晉右軍千古播清芬羽客鳴寒磬留人坐白雲鷗
波生筆陣墨沼亂鶩羣却笑曾書破羊欣白練裙

逸少蘭亭圖

明張以寧

蘭亭佳處憶曾過已較前人感慨多修竹茂林今在否

畫中一看意如何

觀蘭亭修禊圖

明黃洪憲

夙昔秉微尚縱情寄丘壑
晞髮會稽陽俯觀但寥廓
蘭亭被荒丘羣賢不能作
風生松下寒月出雲下
薄觴咏已無歡墨妙虛有託
崇峻迹未殊清朗又如昨
彭殤誰見齊庶幾達者樂

蘭亭修禊圖

明白圻

飛觴泛水集羣賢文采風流自往年
靜裏披圖懷勝事

一川新綠鎖輕煙

蘭亭修禊圖

二首

明 袁宏道

分別層溪與遠巒
天章寺裏雨中看
會稽內史風流甚
賴得中朝有謝安

石榻誰知定武訛
錠紋猶識舊宣和
憑君莫話冬青樹
添得青山淚許多

題羊欣練裙圖

元 王 廓

斐几箱明麝墨輝
練裙冰縞筆尤奇
不知夢近天門否

却怪龍蛇繞足飛

題王晉卿畫四景

宋蘇軾

山陰陳迹

當年不識此清真強把先生擬季倫等是人間一陳迹
聚螽金谷本何人

雪谿乘興

谿山雪月兩佳哉賓主談鋒夜轉雷猶言不見戴安道
為問適從何處來

四明狂客

毫端偶集一微塵何處谿山非此身
狂客思歸便歸去更求救賜枉天真

西塞風雨

斜風細雨到來時我本無家何處歸
仰看雲天真弱笠旋收江海入蓑衣

次韻題畫卷四景

宋蘇轍

山陰陳迹

臥對郊公氣已真
晚依丘壑更無倫
不須復預清言侶
自是江東第一人

雪谿乘興

亟往遙歸真曠哉
聾人不信有驚雷
雖云不必見安道
已誤扁舟犯雪來

四明狂客

失脚來遊九陌塵
故溪何日定抽身
便同賀老扁舟去
已笑西山鄭子真

西塞風雨

雨細風斜欲暝時
凌波一葉去安歸
遙知夜宿鮫人室
浪卷波分不著衣

題謝安石東山圖

宋朱子

家山花柳春
侍女髻鬟綠
出處亦何心
晴雲在空谷

題趙師舜謝安遊東山圖

元虞集

太傅東山杖屨行
總將憂患託高情
獨尋窈窕開瑤席
雙引娉婷韻玉笙
春雨松間殘
弈冷秋風江上暮
塵生

三分籌策頻煩甚惆悵雲霄一羽輕

謝太傅東山圖

金黎陽李公恭筆

二首元

王 惲

鳳沼春閒湛綠波未容絲竹醉巖阿儘能經濟蒼生了
七寶莊嚴未是過

秦兵一掃兩淮清桓氏微來晉鼎平况復中年正多感
未妨雲壑寄高情

趙仲穆東山圖

元

吳 鎮

東山為樂奈蒼生望重須知亦累情蠟屐春來行更好

桃花洞口笑相迎

題謝安觀山圖

元
丁鶴年

欲為蒼生起神州未可還籌思保江表安若會稽山

謝安遊東山圖

明
吳寬

東山高臥如龍蟠天下蒼生望謝安徵書再下幡然起
五十不妨初作官征西將軍姓桓者致我胡為居幕下
新亭狎視猶小兒流汗何人面如赭北兵百萬次淮淝
別墅與客方圍棋捷書已至未終局江上阿玄班我師

高懷磊落多長技誰識向來遊戲事後世風流強慕之
登山也復攜歌妓

謝太傅攜妓東山圖

明徐渭

聞道東山賭墅年胭紅粉白兩嬋娟主人出畫催題急
好下真真付墨妍

謝太傅弈棋圖

元王暉

勝負胸中料已明又從堂上出奇兵怡然一笑文楸裏
未礙東山是矯情

謝安對弈圖

元程鉅夫

晉代衣冠不可尋
空餘畫史筆間心
東山絲竹西州淚
却是羊曇恨最深

支遁相馬圖

金趙秉文

支郎天機深世故
一馬中向來蔬筍氣
寓物一洗空眼前
無騏驥遠目送歸鴻
僧中有良樂萬里蕭雲風

題王武子相馬圖

二首

元王惲

玉華吹散滿身雲
掣電追風隱駿奔
好尚祇誇毛骨異

不思戎馬在東門

駑駘安分老青騶駟論才白壁酬相馬只今誰伯樂
解教駑驥兩垂頭

王武子相馬圖

元范攄

偶然來廐吏喚作九方臯毀譽依名立周旋逐物勞神
馳風電足眼冷雪霜毛事有遭逢者騏驎固自高

題明發所畫訪戴圖渠自有詩
宋晁說之

扁舟雪夜興千載風流存詩畫能幽絕不似諸王孫興

多却易盡一世復何待
儻父莫罵予猶且不見戴

答錢遜叔訪戴圖

宋 呂居仁

北風吹霜夜如飛一作雪
江城草木凍欲折
病夫袖手無

所為一坐臨川已三月
忽蒙妙句起衰憊
頓覺和氣生
毛髮公能忘機我亦倦
不待曼殊見摩詰
畫圖是非久未解
况保長年不磨滅
請公置畫莫多求
要與時人除愛渴

雪夜訪戴圖

元 歐陽玄

雪夜操舟童僕勞偶然歸去便稱豪若為返櫂成佳趣
轉憶當時不出高

題子猷訪戴圖

明 張以寧

平生戴隱居破琴還雲嶠亦有愛竹人翛然可同調雲
溪夜回舟未見心已了乾坤澹虛白吾方領其妙

題扇面子猷訪戴圖

明 黃仲昭

入夜懷人思不禁衝寒一櫂度山陰興來歸去江雲暝
門掩千峰積雪深

子猷乘興圖

元金涓

月照梅花雪點春
小舟危坐醉中身
一時為愛溪山去
本是無心見故人

題子猷迴舟圖

元王惲

勾吳四時無正天
盛寒之月猶春妍
朝來一雪天地白
田父適喜爭狂顛
宜其佳客逸思發
乘興逕上山陰船
煩襟囂慮一洗為
蕭然江東名流說
戴逵高談禮法殷
春雷子猷恐是虛
華士竟擢空舟夜
半回

題山陰回樵圖

元馬臻

夜雪蕭騷入剡溪，高懷忽起故人思。
當時興盡不回樵，千載誰傳一段奇。

石勒問道圖

元元好問

輕比韓彭作李陽，高僧久已笑君狂。
中原果有劉文叔，肯說鈴聲替戾岡。

石勒問道圖

元王惲

位號真來變，故多普天無地不干戈。
養成豺豕蕭牆禍。

更向伊蒲問甚麼

王猛捫蝨圖

宋 劉子翬

劇談世事灞河濱
奇骨瓌姿兩絕倫
却訝秦無豪傑至
捫蝨定何人



御定歷代題畫詩類卷三十六



總校官庶吉士臣侍朝

校對官編修臣裴謙

謄錄監生臣鄭嶠

謄錄監生臣倪時慶